

## HIBRU DILAG NAI

### *KAYAK NUG BEKA ODEPA NAI AUM*

<sup>1</sup> Kayak Nug haen tatam amu ig memetankad dilagpa nai haen kudum ib laalapa ele propet odelagpa aawo beum <sup>2</sup> amge Nug gemu, gog tak haen imupa amu, Nug Be<sup>ka</sup> o<sup>d</sup>e<sup>p</sup>a ihinignu nai matiom. Kayak Nug Be<sup>ka</sup> amu nuhig keeke oh aokunu aum, nuhigpa amu Nug keeke oh ele ha<sup>t</sup>om. <sup>3</sup> Kayak Be<sup>ka</sup> amu Nug Kayaknu amahlak bianab dayaya, Nug Mameg daate amubianab daate. Nug keeke oh nuhig naipa gagatag aqate. Nug mauhom, amupa danab dilag hipunin uhuqa ma<sup>t</sup>a malowa, Nug e<sup>d</sup>ua hab atan ta, Nug Kayak, onig binag ele, Nug epeg nadiappa, amuam anuqak aben, amupa daate.

### *KAYAK BEKA NUG ENGEL EDATOM*

<sup>4</sup> Engel ag am onilag ele, amu Jesus ele onig ele amge Nug onig amu engel onilag huana edidte, amubia Jesus Nug engel edadte. <sup>5</sup> Kayak Nug engel dilag inam iinab aum. “Na am da bek<sup>al</sup>, gemu da na Mamen bemi.” Iita. Laa amu Kayak Nug engel laipu laa nuhignu, “Da nug Mameg daakul, nug am da bek<sup>al</sup> daaku,” ii aum amunu ig nai amupa Jesus Nug engel edadte anidtem. <sup>6</sup> Laa ele amu Kayak Nug beka tatamnu wanpa mee<sup>b</sup> udikunu haaha, Nug inam ele aum. “Kayaknu engel oh ag Nug binag meig!” awa aum. <sup>7</sup> Kayak Nug engel dilagnu madi<sup>k</sup>unu ha, Nug inam aum. “Nug he, engel ag ulah bia daateb. Nug he, nuhig

udat danab amu ag ab ditiak gakadak bia daatēb.”  
 8 Amge Kayak Nug Bekanu amu inam aum. “O Kayak, nahip do madod am hanhan daaku, iita ii mema. Na hanhan nahip kobol tutukupaib danab ah nahipad gumadtem. 9 Amu na kobol tutukunu oot daate, kobol tutuku iita amu na amunu na ootpa nau, ninig ele dootem amunu Kayak, Nug am nahip Kayak, Nug na tituanita, Nug oo gamag ahak, binan ele, na laipad oh dilag editak, na metom.” 10 Kayak Nug baula ele Nug Bek̄a amegpa inam aum. “Nadi, anukanab na wan imu heme amu gagatag daate. Na hab ele na epenpa heme. 11 Hab wan ele iita mekulah amge na am baukel daakut. Hab wan ele a oh amu lamen alag mete amubia alag mekulah amge na anam ii hemana. 12 Geha na danab lamen mapiteb bia hatkut. Amu geha na danab lamen baolin, laa meteb bia hatkut amge na amu hanhan idu laipu anamib daakut, na ii baolitem amu na nahip gog tak haen ele iita.” 13 Kayak Nug Bek̄a amegpa anam aum amge Nug anuka engel nuhig laa amegpa inam laa iinab aum. “Na da epel nadiappa, amuam anuqak aben, amupa daappe, dimpa da nahip keked na waatpa maadpi daaglag.” Iita, Nug Jesus amegpa aakuib amu aum. 14 Nug engel laa amegpa anam ii aum. Iita! Engel ag am oudi, ag am Kayaknu udat heteb. Kayak Nug ag gona, danab Nug edua diikunu dab mete ele amu, ag ehanadkulagnu maate goteb.

## 2

*KAYAKNU EDUA DIIAK AM KEEKE OKAINAB*

<sup>1</sup> Kristus Nug onig binag okai ele amu awom daate, Nug Kayak nai ipunikom, diig amunu amu ig Nai Ena ig edigmanu, ig nai doomut ele, nai amu ig adat, dab meta autanab aot, dim lamidtu! <sup>2</sup> Anuka Kayak Nug engel odelagpa do nai aawo be, nai amu gagatag daatom. Danab ag tapaeg ne di metona amu ag nob nau, ahilag ehed hak elelepa aodpig. <sup>3</sup> Aria gemu amu Kayak Nug ig edua awigkunu ib babaitom, udat nadu nuhig aaku daate amunu ig Kayaknun udat amu di metagnig dayeb amu ig ehed hak ihinignu nob naunu dekadta oolta gokunignu elelete? Iita! Ig elele iitanab. Nadu Jesus Nug nuka, edua awikak amunu amu Nug tatam a, danab ag Nug odepaa aawo doopig ele ag ig amenigpa nai amunu am genabnab ipunigpig. <sup>4</sup> Kayak Nug eponak keeke, danab hekunu elele iita diigdiigpa nai amu gagatag qetom amu Nug nuhig Oudinu ehah diigdiig ele, Nug oo niiom bia, danab matom.

### *JESUS NUG IG EDUA AWIKAK DANAB ANUQAK*

<sup>5</sup> Aria ig gemu wan laa, buti adi bekunu atem amu, Kayak Nug engel ag amu gumaglagnu laa ii maatom. Iita. Nug nuhikud danab ag gumaglagnu maatom. <sup>6</sup> Kayak naipa, laa nug amunu inam yom. “Danab am adi keeke amunu na ag udat amu hekulagnu dab metem? Danab bekalkad am adi keeke amunu na binalag anam madatem? <sup>7</sup> Haen tutunuib na engel waalagpa maadme amge na binalag matan, gagatag ele matame.

<sup>8</sup> Amu na keeke oh ag waalagpa maate, ag gumadkulagnu daatub.” Yo, Kayak Nug keeke oh danab waalagpa meum, Nug keeke laipu laa ii

uumi<sup>tom</sup> daa<sup>tē</sup> amge gemu ig anid<sup>tēm</sup>, danab ag keeke oh ii gumad<sup>tēb</sup>. <sup>9</sup> Amge ig Jesus anid<sup>tēm</sup>. Kayak he, Nug Nug onig okainab uua, Nug en- gel onilag okai, onig amubia ii ada, onig nakok bia ada dayaya, ig danab ig ehanig<sup>kunu</sup> mauhom amunu Kayak Nug humita, binag onig okai ele met<sup>om</sup>. Kayak Nug ig danab ig ehani<sup>tāk</sup> okai hamu megakunu dab maama he, Jesus Nug ihinignu mauhom.

<sup>10</sup> Kayak, Nug keeke oh diig, keeke oh Nug hat<sup>om</sup> ele, amu Nug bekod ku<sup>dum</sup> oh diia, atan teeb, ena binalag ele daaglagnu dab maama, Nug Jesus Nug gu<sup>iłtak</sup> doyaya, ib amupa Nug edua diiaknu anuqak danab elelenab ba daakunu aum. Amupa Kayak Nug kobil elelenab heum. <sup>11</sup> Laa amu Jesus Nug he, danab opia awak beteb. Amu danab opia awak beteb ele, ag Nug ele oh am Mamelag laipu waapa daa<sup>tēb</sup> amunu Jesus Nug amu dilagnu “Da lailad,” akunu Nug uda ii nete. <sup>12</sup> Amuam Nug ate amu- bia. Nug inam ate. “Kayak, da geha nahipnu da lailad amelagpa madipi dooglag amu da geha qag mak nad<sup>i</sup> noolagpa na binan mekulnu ahi edakul.” <sup>13</sup> Nug baula ele inam ate. “Da nuhignu oolpa genab dookul.” Nug laa ele inam ate. “Aria, da iik<sup>u</sup> nid naunau, Kayak Nug da medom ele amu, da ag ele daa<sup>tēm</sup>,” awa ate.

### *JESUS DANAB BEDU AWA BA, DANAB AH EHANAT<sup>OM</sup>*

<sup>14-15</sup> Nid naunau amu ag anilkad mamek<sup>ad</sup> ag bedulag bia bedulag aon oiteb amunu Jesus Nug Satannu gagatag, gagatag amupa nug he, danab mauhteb ele amu, Nug gagatag amu heeb iita mekulnu, Nug danab ag wan imupan

oiyak ahilagpa haen oh mauhaknu badak doon, ag amupa hipalak daapig ele amu, ag amunu uhuqak ele madaƙunu, Nug ele danab bedu awa, Nug mauhom. <sup>16</sup> Genabnab Nug engel ehanadƙunu udat ii heum. Iiṭa. Nug Abraham budupud ehanat̄om. <sup>17</sup> Amunu, diig amunu, Nug mana met̄ak danab dilag iki, Nug oo gai iiṭa ele doot̄e daaƙunu, Nug udat nuhig amu pehet̄ak ha Kayak medaƙunu, Nug danab dilag hipunin uhuqa madaƙunu elele daaƙunu amu Nug ib ohpa Nug laikud bia bekununab dayom. <sup>18</sup> Amu Nug nuka hipunin hekunu eedak doyaya, ug mawom amunu Nug danab ag hipunin hekulagnu eedak doot̄eb ele amu, Nug ag ehanadƙunu elele.

### 3

#### *JESUS NUG MOSES EDIDITE*

<sup>1</sup> Amunu ag Kayak baegpan danab, ag am ig lainkad, Nug ag hab atan daaglagnu tituanat̄om ele, ag Kristus Jesus, Nug am ihinig oopa genab doyaknu mana met̄ak danab dilag iki, Nug am ihinig oopa genab doyaknu totol danab daate ele amu, ag nuhignu atog nona dab mena autna aweg! <sup>2</sup> Kayak Nug udat amupa meum amu Nug Kayak ode genab dim lamiṭa heum. Amu Nug anuka Moses Kayaknu danab oolagpa Kayak ode tutuku dim lamiṭa, udat heum bia heum. <sup>3</sup> Amge Kayak Nug Jesus onig okai, Moses onig edit̄ak ele, onig amu met̄om. Adinu? Jesus Nug am lag hak danab bia dayeye, Moses nug am lag ebehi bia dayom amu danab nug lag het̄e amu nug onig, lag onig edit̄ak daate, amubia Jesus onig am Moses onig

edidte. <sup>4</sup> Amu lag oh am danab heeg daat eb amge keeke ohnu hak diig am Kayak. <sup>5</sup> Moses nug am Kayaknu tamaniak oopa udat danab dayaya, Kayak o de genab dim lamita, dimpa keeke bekunu amu Kayak o depanu awa madi om. <sup>6</sup> Amge Kristus Nug am Kayak Bekanab, Nug Kayaknu danab dilag iki dayaya gumadte. Nug genab Kayak o de dim lamita udat hete amunu ig hanhan ig ihinig oopa genab doyakpa ehanit ak aognignu dab mekunig dayeb, ig oonig gamag ahebeb, Nadi ameg ele mekunig dayeb amu ig aaku nuhig danabnab daagnig.

### *OOPA GENAB II DOYAK KOBOL AIB DAYOM*

<sup>7</sup> Amunu ig Kayak Oudi, Nug o de doognig. Nug ate. “Gemu ag Kayak o de doon <sup>8</sup> amu ag anuka danab ag hib guita hena, dahil nai tapaeg neum amubia aib hepeg oolag ituom. Haen amu ag atu tadakpa daanna, ag da adi hekulnu ami amu genab hekulte, o ii ta iite hekul amu anidkulagnu eedilpig. Haen amupa ag oolag kel dopig. <sup>9</sup> Aben amupa, ag gemu daat eb amu, ag alalkad, ag da mad <sup>40</sup> anam keeke oh heiyyi anidpig amge ag hamu bia doona, anam eedilpig. <sup>10</sup> Amunu da danab amu dilagnu opodil be inam ami. ‘Danab imu ag haen oh dahil ib amu apididteb. Ag dahil kobol ena amupa elele ii oiteb.’ <sup>11</sup> Da opodil be, nai dahil gaga tag qeten inam ami. ‘Ag hik awak dahil iinab aomna!’ ” Kayak Oudi Nug anam aum. <sup>12</sup> O lailad, ag lailag laa ag oolagpanu nug dab mak nau, amu oopa genab doyak ele ii ta, amubia oiyaya, Kayak bauklel di metamanu, ag dab mena autna aweg! <sup>13</sup> Ag Kayak ii di metamna. Ii ta.

Ag gemu haen imupa Nug baag dooglagnu elele daaṭeb amunu Nug haen imunu, “Gemu,” awa aṭe, amunu ag haen imupa ded ohpa ehed hak kobil laa ag oolag bubuiteb, ag gagaṭag qetamnanu amu ag ag lailkad Nai Ena amelagpa matinna, dab mak ahilag mad aṭeg! <sup>14</sup> Adinu? Ig Kristus ele tamanit, laipu daagnignu ib am laipuib. Laa iita. Ib amuam inam. Ig tatam Kristusnu oonigpa genab doomut amu, ig amuib adaput ukeb, mauhak haen ihinigpa ele oopa genab doyak nuhignu amu aaquib adagnig dayeb amu amupa ig genab Kristus ele tamanit daatem. <sup>15</sup> Amuam nai ig geha iiku anidmut amubia. Nai amuam inam. “Gemu ag Kayak odoona amu ag anuka danab ag hib guita hena, Kayak odoona tapaeg neum ele, amubia aib hepeg oolag ituom.” <sup>16</sup> Anuka aun adi ag Kayak odoona, hibguita hena, nai nuhig tapaeg neum? Amuam danab oh Moses nug omalate, Igipta uun, ahan gopig ele. Ag kobil amu hepig. <sup>17</sup> Kayak Nug mad 40 haen amu ohpa aun adi dilagnu opodi bak doyom? Nug danab ag hipunin qenana, mauhna atu tadakpa niipig ele, ahilagnu opodi bak doyom. <sup>18</sup> Amu Kayak Nug aun adi dilagnu genabnab nuhig hik awak ii aoglagnu aum? Nug danab ag nuhig nai tapaeg neum ele, amu dilagnu aum <sup>19</sup> amunu ig anidta dooṭem, ag oolagpa genab ii doopig amunu ag Kayaknu hik awaknu abenpa wakulagnu elele iita.

## 4

<sup>1</sup> Aria Kayak Nug tatam nai qaka aum daate. Nug inam aum. “Ag dahil hik awak aoglagnu elele daateb,” amunu danab laa ag oolagpanu nug hik awak amu eta ii aomanu amu ig dab meta auta aotu! <sup>2</sup> Adinu? Ig anuka Israel ag Nai Ena doopig bia, ig ele doomut amge ag am hamu bia doonna, ag oolagpa genab ii doopig amunu Nai Ena ag doopig ele amu, ii ehanatom. <sup>3</sup> Aria ig Jesusnu oonigpa genab doomut ele amu, ig amunu Kayak aum bia aaku Kayaknu hik awak aotem amge laa ag oolagpa genab ii dooteb ele, Kayak Nug ahilagnu inam aum. “Da opodil be, nai dahil gaga~~ta~~qeten inam ami. ‘Ag hik awak dahil iinab aomna!’” Nug hik awak aben amu ii babaitom amunu ag ii aopig, anam iita. Nug hik awak aben amu matu dig mak haenpa babaitom daate. Ag oolagpa genab ii doopig amunu ag ii aopig. <sup>4</sup> Amu Kayak naipa nai laapa Kayak Nug ded eblaih aditnu inam ate. “Kayak Nug udat nuhig oh ha malowa amu Nug ded eblaih aditpa hik awom.” <sup>5</sup> Aria Kayak Nug hik awak laa, danab ag hik aoglagnu babaita malom. Nug ele ded eblaih aditpa hik awom amge Israel dilagnu Nug inam ate. “Ag dahil hik awak iinab aomna,” <sup>6</sup> amunu ig anidtem, danab ag hik aoglagnu daateb amge danab ag anuka Nai Ena doona, tapaeg neum ele, ag oolagpa genab ii doopig amu, ag ii aopig amge hik awak amu babaitom daate amunu laa ag aoglag. <sup>7</sup> Amunu Kayak Nug ded baula, ded amuam onig, “Gemu,” meum. Tatam meum, dimpa mad kudum laa uue, Kayak Nug Dawit odepia nai tatam anak daate amubia aawo beum.

Nai amuam inam. “Gemū ag Nug ode doon amu ag aib hepeg, oolag ituom.” <sup>8</sup> Amu Josua nug danab amu Kayaknu hik awak maṭalo amu Kayak Nug dimpa ded laanu ii maṭilo <sup>9</sup> amunu Kayak Nug nuhikud danab ag hanhan hik enanag aon daaglagnu hik awak amu babaitom daate. Amuam ded eblaih adit elenu hik awknab ahilag. <sup>10</sup> Adinu? Aun nug Kayaknu hik awak aote, nug udat nuhig ii hete. Nug hik aote, Kayak Nug hab wan ele ha malowa ded eblaih aditpa hik awom amubia. <sup>11</sup> Amunu ig ele hik awak amu aot daagnignu amu Kayak Nug amunu adi ate amu ig hetu! Ig anuka Israel ag Kayak ode tapaeg neum bia padal mekunignu ii hemata.

<sup>12</sup> Kayak nai am keeke bau, udat haaha daate. Nug am qep laa aeg laih laih ele, udat nuhig enanag hete amu, Kayak nai nug udat nuhigpa qep amubia edidte. Nug keeke qata etaknab daatep am okula aokunu elele. Danab nug dab makpa adi dab mete amu nug oopa adi doote amu Kayak nai keeke amu oh epediadte. <sup>13</sup> Amu keeke laipu laa Kayak Nug amegpa lokumak iinab daate. Iita, keeke oh am Nug amegpa miagib amahlakpa daateb. Amu dimpa ig Nug noobpa daata, ihinig haknu matignig.

### ***MANA METAK IKI AMU JESUS***

<sup>14</sup> Anam daate amunu ig oopa genab doyak ihinig, ig heut miag atite ele amu, ig amu adat auta aotu! Adinu? Ig ihinig mana metak danab dilag iki, Nug hab atan teum daate. Nug am Jesus, Kayak Beka, Nug daate. <sup>15</sup> Ele amu ihinig mana metak danab dilag iki, Nug am danab laa ihinignu

oo ii dookunu laa iita, hipunin hekunu eedak kobil  
oh ihinigpa bete amu, amu ele nuhigpa beum  
amge Nug hipunin laa iinab heum amunu keeke  
nuhigpa beum bia ihinigpa beebe, ig gai iita bia  
daautut amu Nug ihinignu oo doyak dookunu ele-  
lenab daate. <sup>16</sup> Amunu Kayak Nug ihinignu oo gai  
iita dookunu, ug haenpa Nug ig ehaniqak okai hamu  
megakunu amu ig ii badata, Kayak gumiqa goqunig.

## 5

### *KRISTEN LAA NUG KRISTUS DI METAMANU NAI*

<sup>1</sup> Aria mana metak danab dilag iki tituanaknu kobil amu inam. Kayak Nug danab oh oolagpanu danab laa, nug danab ah odelag awa, Kayak amegpa akunu, Kayaknu udat ele hekunu, tituana mete. Danab amunu udat am nug Kayak do medakunu, amu Kayak Nug danab ah dilag hipunin uhuqa madaqunu, nug dod ele mana, Kayak medakunu daate. <sup>2</sup> Nug ele hipunin hekunu eedak aote amunu nug danab ag ootot daateb, ag ib apididteb ele amu, nug oo bodo etakpa atog noadqunu elele daate. <sup>3</sup> Amu mana metak danab amu, nug ele hipunin hekunu eedak aote, hipunin danab ele daate amunu Kayak Nug danab amu, nuhig hipunin uhuqa medakunu, danab laa oh dilag hipunin ele uhuqa madaqunu, mana metak danab amu nug dod mana, Kayak medate.

<sup>4</sup> Aria mana metak udat amuam binag ele, amu danab laa nug nuka nug nuhig dab makpa nug binag amu awa, udat amu hekunu ii hema. Iita! Kayak Nug tatam, anuka Aron udat amu hekunu onigpa eum amubia, Nug danab udat amu maokunu, danab amu onigpa ete. <sup>5</sup> Amu Kristus

Nug ele am anam. Nug nuka binag amu awa, mana metak danab dilag iki ii beum. Iita! Kayak amegpa aum. “Na amu da bekal. Genu da na Ma-men bemi daatem,” awa aum.<sup>6</sup> Kayak naipa aben laapa amu Nug inam ele aum. “Na am Melkisedek bia, mana metak danab hanhanu daatem,” awa aum.

<sup>7</sup> Aria anuka Jesus Nug danab bedu awa, wanpa dayom, haen amupa Nug Kayak unuqita, Nug ele Kayak keeke laala hekunu od metom. Nug mauhowa, ib laapa edua hipaidkunu elele iita, Kayak Nug anam ehanidkunu elele dayom amunu Jesus Nug Kayak amu hekunu gagatag od medaa, ameg leb ne, Nug nuka binag qe ne, Kayak ode dim lamitom amunu Kayak Nug nuhig od mak amu odepa awom.<sup>8</sup> Jesus Nug am Kayak Bekanab amge Nug ug mawa, Kayaknu nai dim lamita mauhom, amupa Nug ipunitak awa auta awom.<sup>9</sup> Jesus Nug ug amu oh mawom amupa Nug mana metak iki daakkunu elelenab metom amunu Nug danab oh nuhig nai dim lamidteb ele am ehana, edua diie, ag hanhan ena daaglagnu diig daate.<sup>10</sup> Nug anam dayeye, Kayak tituana aum. “Na am Melkisedek bia, mana metak danab dilag iki daakkut,” awa aum.

<sup>11</sup> Aria Melkisedeknu nai amu unuqagnab, ig nota aput, ag nai imu aoteb ele amu, ag dooglagnu ana daate amge ag oolag ootot ele daateb, ag paha oolag maidkunu elele iita amunu ig aput dooglagnu amu ig udat nadi heta, nai diignab aput dooglag.<sup>12</sup> Ag ipunitak danab bena daaglagnu haen elelenab dayom amge iita, ag doyak ahilag qakub amunu laa nug ag Kayak

nainu diig edua ipuanateb aoglagnu daateb. Ag am e gagaṭag lakulagnu amu elele iiṭa, ag huhib lanana daaglagnu elele. <sup>13</sup> Ig dootem, danab oh ag huhib lateb ele, ag am nid yud daateb. Amu ag kobol tutuku iinab dooteb. <sup>14</sup> Amge e gagaṭag am danab kalulag ele, ahilagnu daate. Danab anam amu ahilag dab mak am okai meum, ag dab mak elele aon oiteb amunu ag kobol ena, nau ele epedin dooglagnu elele.

## 6

### *KAYAK ADI AUM AM GENAB HEKU*

<sup>1</sup> Amunu ig Kristusnu nai dig makpan baubau haen oh ii matimta. Ig danab kalu ele ma nai madite, amubia daagnignu hetu! Amu ig dig maknu nai, amuam ig oonig edueb, kobol nau oh genab iiṭa ele di metagnignu nai, ig Kayaknu oonigpa genab doognignu nai, <sup>2</sup> layatāk diigdignu nai, epeg danab badepa maknu nai, Kayak Nug mauhak danab mad eteb edua hibaitaknu nai, Kayak Nug danab ah oh ag epediaṭeb, ag hanhan nob ena o iiṭa nob nau aon daaglagnu nai ele amu, ig nai amuib ii matimta. <sup>3</sup> Iiṭa! Kayak Nug ig ehanikeb, ig nai unuqag daate ele, amunu matignig.

<sup>4</sup> Adinu? Danab ag Kayak Nai Ena aopig, ag matu hab atannu do ena aon oolagpa mepig, ag Kayak Oudi ele aopig, <sup>5</sup> ag Kayaknu nai doona, enanag anana, Kayaknu haen ena dimpa ahilagga bekunu ele doopig amu, <sup>6</sup> danab amu ag nena qena, Kayak di metaglag dayeb amu, ag anam henana, ag oolag edueb, Kayak topa wakulagnu ib laa iiṭa. Adinu?

Ag kobol amupa Kayak Beka baula ad emaitakpa atulna, ag Nug ad emaitakpa danab ag nuhignu uda laaitak nai akulagnu aihteb.

<sup>7</sup> Am imubia. Haen kudum gu wanpa ne, wan nug lepu amu awa, danab ehanate, e ebapig ele am ena bete amunu Kayak Nug wan amu ititak ena medate. <sup>8</sup> amge wan laa ud nau diigdiig amupa beteb, wan amu udat ena ii hete amu wan amu nug ititak nau waapa daakunu miagnab daate. Danab ag maiglagnu daate.

<sup>9</sup> O lailad, genab gemu ig nai ug ele amu ag dooglagnu maditem amge ig genab dootem, ag padal mak anam bia ii aomna. Iita! Kayak Nug edua diiom amupa ag ehanitak aoteb. <sup>10</sup> Kayak Nug epediak ehed laa ii hete amunu ag udat nuhig hepig, ag nuhignu oolag mauhte dab menana, nuhikud danab ehanadpig, gemu ele anam heteb amu Nug amu oh daug ii atima. <sup>11</sup> Amu ag dimpa gogtak haenpa adi adi aoglagnu dab meteb ele amu, ag amuib aoglagnu elele daaglagnu, ig ag udat ahilag gemu ena heteb amu ag anamib hepeg ukeb, gogtak haenpa malaglagnu oonig daate. <sup>12</sup> Ig ag paha oolag bahi yak dooglagnu oonig ii daate. Iita. Ag danab ag oolagpa genab doona, oolag bahi ii ye, Kayak epegpa ehanitak aoteb ele amu, ag amu ahilag kobol dim lamidna, ag keeke oh anuka Kayak Nug bekod ele madakunu nai qaka aum amu aoglagnu oonig daate.

<sup>13</sup> Aria anuka haen Kayak Abraham amegpa keeke hekunu nai qaka aum amu, danab laa nug Kayak editak laa iita amunu Kayak Nug, Nug onigpa nai nuhig gagatag qeta aum. <sup>14</sup> Nug inam aum. “Da genabnab atem, da ititak nadi medete

hepi, na budun ag apatna, kudum daaglag,” awa aum. <sup>15</sup> Amunu Abraham nug oo makpaib, bahi yak ele iitapa nai amu ameg ma dayaya, keeke oh anuğa Kayak medakunu nai qaka aum amu aaku awom.

<sup>16</sup> Aria, nai gagaṭag qetəknu kobol am inam. Danab nug nai nuhig danab laa onigpa gagaṭag qedte. Danab laa am laa, nai gagaṭag qedte ele amu, nug editak amunu danab laa nug layagnu nai amu nuhig nai edidmanu amu nug laa onig awa, atan ma, nuhig nai onig amupa gagaṭag qedata, layagnu nai okulte. <sup>17</sup> Anuka Kayak Nug ig Nug bekod ehanigkunu nai qaka aum, Nug nai amu iinab baolimanu ipuniķa auta aokunu amu, Nug nai nuhig Nug onigpa gagaṭag qetom. <sup>18</sup> Aria gemu am keeke adit, laa am Kayak Nug keeke genab hekunu nai qaka aum, laa am Nug nuhig nai, Nug onigpa gagaṭag qetom, keeke adit amuam baoliglahnu elele iita amu, Kayak Nug keeke adit amunu hamu bia ii doyata, Nug keeke adit amu uuata, keeke laa hekunu elele iita, amupa ig danab ig Kayak noobpa ena daatem ele amu, ig oonig genab gagaṭag qedtem. Amunu Kayak Nug ig gog tak haenpa baukel mekeb aognignu ameg mekunignu aum amu ig elele dootta, ameg metem. <sup>19</sup> Amu gog tak haenpa ig genab baukel aognig, dab mak amuam ig dab mak diigdiig dim lamidmatanu, ub mameg nug ubnu keeke ug ele, onig anga, eum daate amubia adaike daatem. Ihinig ehanitak amuam keeke genab, hab atanu mana metak lag oo gun elepanu udite. <sup>20</sup> Amu mana metak danab ag danab ehanadkulagnu dod main Kayak medatēb amubia Jesus Nug tatam lag

oo amupa, Nug nuka Nug bedu Kayak meteb, ig ehanigkunu noum. Nug am mana metak danab dilag iki, Melkisedek bia hanhan beum daate.

## 7

*MELKISEDEK NUG AM MANA METAK DANAB  
ONIG ELE*

<sup>1</sup> Melkisedek nug am Salemnu king amu nug am Kayak atannabnu mana metak danab. Anuka Abraham nug ban ha, king aqowa, edua apagpa ugeke, Melkisedek nug Abraham ele ibpa nug uda teya, ititak metom. <sup>2</sup> Mete amu Abraham nug keeke nuhig opate, ameg eblaih tanig ele neeg, ameg laa Melkisedek metom. Melkisedek onig, nuhig mehuqak am, “Kobol tutukunu gu-mak danab.” Melkisedek nug am Salemnu gu-mak danab. Salemnu diig am, “Madodnu gumak danab.” <sup>3</sup> Kayak nai am nug anig mameg amu nug mametab ele ii ipunigte. Menuak ded nuhig amu mauhak deq nuhig ele ii ipunigte. Nug am Kayak Beka bianab daate. Nug am mana metak iki hanhannu daate.

<sup>4</sup> Aria Melkisedek nug am danab onig okai ele amu, ag anteg! Nug am onig okai iita ele daalo amu Abraham nug ban ha, keeke awom amu ameg laipu nug ii metalo amge anam iita. Nug ameg laipu metom. <sup>5</sup> Amu Jakop beka Lewi budub oopenu laala ag mana metaknu udat aoteb ele amu, do ag keeke ameg eblaih tanig ele oopenu laipu, Israel dilagpanu aoglagnu ate. Amu Israel laa oh ag am budub amunuib, ag lailkadnab, ag oh am Abraham budub daateb amge do nug ag mana metak danab keeke ameg laipu mataglagnu ate.

<sup>6</sup> Melkisedek nug am Lewi budub oopanu iiṭa amge nug Abrahamnu keeke ameg laipu awowa, nug danab, Kayak nug amegpa keeke laa heeb bekunu nai qaṭa aum ele amu, nug ititak metom. <sup>7</sup> Aria ig dootem, danab nug ititak medte ele amu nug am okai, onig ele. Nug laa ititak aote ele amu, nug edidte. <sup>8</sup> Am gemu Lewi budub, ag am danab mauhteb ele amu, ag keeke ameg laipu aote amge Melkisedek, Nai Ena ate amubia, nug bau daate ele, nug keeke ameg laipu amu awom. <sup>9</sup> Amunu ig inam akenignu elele. Lewi nug gemu keeke ameg laipu aote amge Melkisedek, nug anuka keeke ameg laipu Abraham epegpanu awom, amunu nug aaku Lewi epegpanu keeke ameg laipu ele awom bia daate. <sup>10</sup> Adinu? Melkisedek nug Abraham ibpa ante, Abraham nug keeke ameg laipu metom. Amu Abraham nug am Lewi memetab amunu Lewi nug bedupa aaku dayom.

*JESUS AMU MANA METAK DANAB  
HANHANNU, MELKISEDEK BIA*

<sup>11</sup> Aria, Lewi budub ag ahilag udatpa Israel danab ehanadpeg, Israel danab ag do waapa elele daaglagnu daapig amge udat ahilag amu heeb, danab ag elelenab bena daalob amu adinu mana metaknu danab laa, Aron bia iiṭa, Nug am Melkisedek bia, bekunu dayom? <sup>12</sup> Aria do nug Lewi budub oopanu ag mana metak danab daaglagnu ate amunu budub laa oopanu laa nug mana metak ba daakunu dayeb amu Kayak Nug do ele baoliku. <sup>13</sup> Amu danab imu, Kayak Nug Nug amegpa, “Na am hanhan mana metak danab Melkisedek bia daatem,” aum ele amu, Nug am

budub laapan, budub amupa amu danab laipu laa anuka qadabpa mana metaknu udat laa ii heum. **14** Amu ig doot auta aotem. Ihinig Nađi, Nug Juda budubpa doum. Amu Moses nug budub amupanu mana metaknu udat danab laa bekunu amu nug laa ii aum. **15** Aria nai imu diig amu miag atiaknab daye, ig anidta dootem. Mana metaknu danab laa nug beum amu Melkisedek bianab daate. **16** Laa nug do laapa, o iita aun tiigpa, o iita aun budubpa he, Nađi Nug mana metaknu danab ii beum daate. Iita! Nug baukel hanhan dayaknu, gogtak nuhig iita ele, gagatag amunupa mana metaknu danab beum daate. **17** Am Kayak naipa nuhignu yak daate amubia. Nai amuam inam. “Na am mana metak danab, Melkisedek bia, hanhan daatem.”

**18** Kayak Nug do anukanu amu qe, iita meum. **19** Adinu? Do amu nug ebehi iita, nug ig ehanigkunu ele elele iita. Do nug am ebehi iita amunu nug keeke laa he, tutuk elelenab iinab beum amge Kayak Nug ib laa odom. Ib amu nug do editak, enanag. Amu ib amupa ig Kayak topa wakunignu elele daatem.

**20** Aria Kayak Nug Jesus Nug mana metak danab daakunu hamu ii tituanom daate. Iita! Nug nuka Nug onigpa nuhig nai gagatag qeta anana tituanom. **21** Mana metak danab anuka ag am anamnab iita. Auntai laa nug onigpa nuhig nai gagatag qeta anana he, mana metak danab bepig? Laa iita amge Jesus nuhignu aakuib Kayak Nug nuka Nug onigpa nuhig nai gagatag qeta, mana metak danab daakunu a, Nug beum daate. Kayak Jesusnu aum. “Nađi Nug nuka Nug onigpa nuhig nai gagatag qeta, ‘Na amu mana metak danab

hanhannu daātem,’ aum amu Nug dab mak nuhig iinab baolima.” <sup>22</sup> Kayak Nug Jesus mana met̄ak danab daākunu, nuhig nai gagat̄ag qēta aum, laa ag anūka mana met̄ak danab daapig, ahilagnu anam ii aum, diig amunu ig dimpa tituanak nai bau, ig nob ena ad̄i ad̄i aognignu atē amu, ig genab aognignu doōtem. <sup>23</sup> Aria anūka am mana met̄ak danab kudum daapig. Ad̄inu? Ag am danabib, ag mauhadpig amunu ag hanhan anamib daaglagnu elele iīta. <sup>24</sup> Amge Jesus Nug am hanhan baukel daāte amunu Nug mana met̄aknu ud̄at hanhan heku. Baoliak laa iīta. Udat amuam danab laa epegpa iinab wama <sup>25</sup> amunu Nug baukel dayaya, Nug Kayak danab ehanadkunu hanhan unuqidte amunu diig amunu Nug danab, ag Nug onigpa Kayak gūkuidna wāteb ele amu, Nug ag ēdua diieb, baukel hanhan daaglagnu elele.

<sup>26</sup> Mana met̄ak danab dilag iki anam amu ig ehanigkunu daākunu am enanag. Nug am opia awak, ehed hak kobol laa Nug bedupa iinab daāte. Nug am dubutid iīta, hipunin danab bia ele iīta. Nug onig at̄annab teum daāte. <sup>27</sup> Jesus Nug am mana met̄ak danab anukanu, ag ded oh dod main, Kayak Nug hipunin ahilag tatam uhuqa matowa, danab dilag ele uhuqa madakunu medapig bia ii hete. Nug ud̄at nuhig anam iīta. Kayak Nug danab ah dilag hipunin uhuqa madakunu amu Jesus Nug amu haen laipu aakuib Nug nūka Nug bedu oh Kayak met̄om amunu Nug baula ii hema. <sup>28</sup> Amu do tatamnu am danab gai iīta tituanāte, ag mana met̄ak danab dilag iki daāteb amge nai Kayak Nug nūka Nug onigpa gagat̄ag qēta aum, do nai dayeye dimpa beum ele amu, nai amupa Kayak Nug beka

tituanom. Kayak Nug he, Nug Beka amu Nug mana metäk danab dilag iki daakunu elelenab ba amu Nug hanhan anamib daate.

## 8

### *JESUS NUG HAB ATAN APA UDAT HETE*

<sup>1</sup> Aria, nai ig atem ele, nuhig diig am inam. Ig mana metäk danab dilag iki Melkisedek bia ele, Nug am matu hab atan Kayak Binag Ele epeg nadiappa, amuam anuqak aben, amupa hedep neum daate. <sup>2</sup> Nug am mana metäk udat, Kayaknu mana metäk lag, aben opia awaknab ele, amupa hete. Aben amuam, mana metäk lag genab, amupa daate. Danab laa lag amu ii heum. Iita! Nadi nuka lag amu babaitom.

<sup>3</sup> Mana metäk danab dilag iki anen anen amu ag ahilag udatpa ag amu mana metäk diigdiig Kayak medteb amunu Jesus Nug ele mana metäk laa Kayak medakununab dayom. Nuhig mana metäk am Nug bedu. <sup>4</sup> Amu Nug wanpa gemu daalo amu Nug mana metäk danab laa iinab daalo. Adinu? Mana metaknu danab laala matu bepig daateb, ag mana metäk diigdiig Kayak medteb, do niite amubia heteb. Ag udat amu gumateb, laa ele dayaya gumakunun ib ii daate. <sup>5</sup> Mana metäk udat, ag wan imupa heteb ele amu, ag hab atan opia awak abenpa kobol niite ele amubianab dotog aaku heteb. Nai laa amu ipunigte am nai anuka Kayak Nug Moses amegpa aum. Nai amuam haen Moses nug mana metäk lag dod gadapa hepig ele, lag amu galakunu heehe, Kayak aum. “Na dab mena autna

aona, keeke dotog da qaukopa ipunidmi ele amu, na amu bianab he!” awa aum.

### *TITUANAK BAU NUG TITUANAK ALAG EDIDTE*

<sup>6</sup> Amge mana metak danab ag wanpa heteb, ag am hab atannu hak, amunu dotog bia heteb. Jesus Nug mana metak udat awom ele amu, udat amuam mana metak udat alag editom. Nug tituana nai qakak bau amu nug tituana nai qakak alag edidte aumbia Jesusnu mana metak udat am mana metak udat alag edidte. Nug tituana nai qakak baunu diig am ele alagnu diig edidte. Amu ele, nug tituana nai qakak bau diigpa amu keeke Kayak heeb bekulagnu nai qaka aum ele amu ag alag amunu edadte.

<sup>7</sup> Amu nug tituana nai qakak tatamnupa ehed laa ii daalo ele amu, Kayak Nug nug tituana nai qakak baunu ii dab melo. <sup>8</sup> Amge Kayak Nug nug tituana nai qakak alag, nug danab ehanadkunu elele iita, nai laapa ipuniqa, miag atia aum. Nai amuam inam. “Nađi Nug ate, ‘Doyeg! Dimpa, haen laapa, geha Israel budulkad amu Juda budub ele, da ag oh ele nug tituana nai qakak baupa ag ele nug tituanta, nai qakagnig. <sup>9</sup> Nug tituana nai qakak bau amu da tatam ag memetalkad anuka haen da epelag aden omalati, Igipta wan uun, ahan gopig ele, haen amupa da ag ele nug tituanta nai qakamut amubia iita. Haen amu ag nug tituana nai qakak nai dahil ii dim lamidpig amunu da di matami.’” Nađi anam awa ate. <sup>10</sup> Nađi Nug tudiqa inam ele aum. “Haen amunu am iita meeble, geha da nug tituana nai qakak baupa Israel ele nug tituanta nai qakagnig. Nug tituana nai qakak amuam inam. Geha da do dahil oh dab mak

ahilagpa mein, da geha ag oolagpa ele mepi daaku. Geha da Kayak ahilag daakul, ag am dahil danab daaglag. <sup>11</sup> Amu geha danab oh ag Kayaknu, nug ipuniṭak lailkad mudipan dilagpa ii hemana. Iiṭa. Amu lailkad laala ag lailkad laala ele ipuanadnana, ‘Ag Nadi doye!’ ii amana. Ađinu? Haen amupa geha danab oh anen anen ag da dooidna autna aoglag. Nid naunau, danab okai okai ele, ag oh da dooidkulag. <sup>12</sup> Da ahilagnu ool gai iiṭa doyen, da hipunin ahilag uhuqe maṭen amu da hipunin ahilag baula dab ii mepa,” awa aum. <sup>13</sup> Nug nug tituana nai qaṭak baunu anam anana, nug tituana nai qaṭak tatamnu amu Nug he, alag meum. Amu keeke nug alag ma, nug kaino bia nakoknab dayaya, iiṭa mete.

## 9

### *MANA METAK TATAMNU AMU AG DOD TIIGPA HEPIG*

<sup>1</sup> Aria nug tituana nai qaṭak tatamnupa amu Kayak Nug do laala ele metid haknu amu danab ag epelagpa mana metak lag dod gadapa hena galaglagnu ele meum. <sup>2</sup> Dod gadā mana metak lag amu oopa, makulak anuqakpa amu lam, balal amu bret, ag Kayak medapig ele amu, keeke amu oh agupa daapig. Lag oo makulak amuam onig, “Gun Aben.” <sup>3</sup> Aria lag oopa, lamen nadī dimugpa, lag oo makulak laa, makulak amunu ag, “Gunnab Aben,” ateb, amupa dayom. <sup>4</sup> Aben amupa amu ab kah mutudig ele ahakunu qadab golpa hak amu nug tituana nai qaṭak kunup, ag amu adpa hewona, ad amu qadepa oopa ele gol

mewona, ag nug ameg am golpaib hepig amu, keeke adit amu a agupa daapid. Amu ƙunup amu oopa amu gol id laa, amupa ag bret onig mana inapig, aria Aronnu bu, ita beum ele amu, men otala adit, amupa do nai yaalaṭak ele amu, keeke amu oh kunup amu oopa daapig. <sup>5</sup> Kunup amu atan am engel adit, onilah okai ele amu, a dotolah daapid. A Kayak aben amupa daate amu danab ah ipuanadpid. A waalahpa amu hipunin uhuqa metaknu tiig gokadak aben dayom, amuam kunup ameg golpaib hak. Amge gemu amu keeke amunu oh mehuqaknu haen iiṭa

<sup>6</sup> Aria, keeke oh anam babaitak daye amu mana metaknu danab ag haen oh lag oo makulak dimitim amupa udat ahilag hekulagnu nodapig <sup>7</sup> amge mana metak danab dilag iki, nugib am lag oo makulak oopanab amupa hipunin nuhig amu danab oh dilag ele, dod tiilagpa mana metak hekunu mad laipu oopa, haen laipuib noa hetom. Nug hamu iinab notom. Iita! Nug dod tiig awa, amu ele gotom. <sup>8</sup> Kobol amupa Kayak Oudi Nug inam ipunigte. Haen danab ag lag amupa Kayak binag mepig ele amu, danab ah oh ag Kayak noobpa tutuku wakulagnu ib iita. Ib amuam oo nak. <sup>9</sup> Mana metak lag amu nug ig gemu haen imu daatem amu keeke ipunigte. Lag amupa keeke do idu idu Kayak metanna amu mana metak idu idu ele hepig amge keeke amu oh, danab hepig ele amu, oolag bapaita heeb, ag tutuku elelenab bekulagnu elele iita. <sup>10</sup> Mana metak anam amu e lanak keeke, le lanak keeke amu le laaitak kobol, ele. Do amu oh am danab bedulagnuib. Kayak Nug do amu oh danab ag dim lamidpeg uk̄eb, dimpa

Nug eðua keeke oh elele medakunu heum.

*KRISTUS NUG NUKA NUG TIIGPA HIPUNIN  
UHUQA MEGTE*

<sup>11</sup> Anam dayom amge Kristus Nug itiṭak ena diigdiig, Kayak megakunu dab mete ele amu, Nug amunu mana metak danab dilag iki daakunu udia dayom. Amu Nug mana metak lag elelenab, mana metak lag tatamnu ediṭak amu, udat nuhig hekunu oopa noum. Mana metak lag amu danab ag epelagpa ii hepig, amu ele wan imupan keeke iita.  
<sup>12</sup> Kristus Nug meme tiig amu bulmakau tiig ele awa, mana metak lag amunu Gunnab Abenpa ii noum. Iita! Nug nuka Nug tiig awa, haen laipu aakuib Gunnab Aben amupa noa, Nug tiigpa Nug ig eðua hanhannu awikom. <sup>13</sup> Am inam bia. Do alagpa danab laala Kayak noobpa bedulag udig wak ele daapig amu, mana metaknu danab ag meme amu bulmakau dawai tiilag amu bulmakau balat manaeg, uhud meum ele amu, ag tiig uhud amu ele aon, danab dubutid ele amu qadelagpa taodeg, Kayak amegpa danab amu ag bedulagib opia awak daapig <sup>14</sup> amunu gemu ig Kristus tiigpa genab opia awaknab daagnig. Nug bedupa ehed laa iitanab, Nug Oudi bauklel ele gagatagpa, Nug nuka Nug bedu, mana metak bia, Kayak metom amunu Nug tiig ig bedunigib ii ihom. Iita! Nug ig oonig ele iha amu kobil laa oh, bauklel iita ele amu, Nug amu ele opie ukom. Anam amu ig Kayaknu udat bauklel ele amu adat auta aognig.

*KRISTUS TIIG NUG TITUANAK BAU GAGATAG  
QETOM*

**15** Amunu Kayak Nug danab onilagpa eum ele amu, ag itiṭak haen ohnu ele, Kayak anuka Nug bekod madakunu nai qaka aum amu, ag amu aoglagnu, Kristus Nug tituanak baunu gamag danab daate. Kayak Nug amu madakunu elele daatenu diig am Kristus mauhom amunu danab ag tituanak alag waapa daana, ehed hepig amu mauhak amupanu ag uhuqak aoteb.

**16-17** Danab nug dimpa mauhku amu doya, nug aun en nuhig aokunu dab mete amu nug nai amu udugpa ya, onig ele yeeb, danab laa ele nug anta onig yeeb am, gagatag aaku daaku. Aria danab laa oh ag tatam keeke mameg mauhom doopeg amu keeke mameg nug laa, nuhig keeke aokun yom ele amu, nug keeke aoku. Keeke mameg ii mauhom haenpa amu laa nug keeke ii aoma. Nai amuam mauhak dimpa aakuib keeke mamegnu dab mak gagatag qedte. **18** Diig amunu danab ag anuka tituanak tatamnu gagatag qetaglagnu amu ag dod aqaeg mauhna, tiilag gokadtapig. **19** Tatam amu Moses nug do oh danab dooglagnu mehuqa malowa, dimpa nug bulmakau nag amu meme nag ele diia aqa, ag tiilag le ele kobolia, nug sipsip udig kokod amu ud laa onig hisop gumupa ita, amu tiig le ele amu do yaalataknu buk qadepa taod qetowa amu danab oh ele taod aqom. **20** Nug aum. “Tiig imu tituanak Kayak Nug ag dim lamidkulagnu matom ele amu gagatag qedate,” awa aum. **21** Anamib nug tiilag mana metak lag dod gadapa hak taod qedate, udat lag amupa heteb ele, amunu keeke naunau laa oh ele taod aqatom.

**KRISTUS HAEN LAIPUIB HIPUNIN UHUQA**

## *MEGAKUNU MAUHOM*

<sup>22</sup> Aria do kobilpa, tiigpaib keeke oh opia awak daakunu dayom. Amu tiig ii ne amu Kayak Nug hipunin ii uhuqte. <sup>23</sup> Mana metak keeke amu, ag hab atan kobil niite dotog ipunigte ele amu, ag ib amupa opia awak bekununab dayom amge hab atanu mana metak lag genab, nug opia awak daakunu amu dod tiilag taod aqakunu elele iita. Iita, keeke laa dod tiig editaknab aakuib am elele. <sup>24</sup> Amuam Kristusnu mauhakpa beum. Kristus Nug mana metak lag, Kayak Nug laugnab dotog, danab ag epelagpa hepig ele amu, oopa ii noum. Iita! Nug hab atan apanab ukom amunu gemu Nug Kayak noobpa miag atia teum dayaya, danab ig ehanikaka daate. <sup>25</sup> Mad ohpa wan imupa mana metak danab dilag iki nug dod tiilag awa, lag oo gunnab, aben amupa qadabpa taodteb. Tiig amuam, nug tiig iita, am dod tiilag. Wan imupan mana metak danab dilag iki amu ahilag udat am anam amge Jesus Nug amubia ii heum. Iita. Nug nuka Nug bedu mana metak bia Kayak metom amu Nug kobil amu he, haen kuđum hekunu ii daate, laipuib heum. <sup>26</sup> Nug laa heteb bia helo amu Nug haen kuđum, Kayak dig ma, wan heum udie, gemu haen imu ele guitak awawa daalo amge anam iita. Haen nakok malele, Kristus Nug haen laipu aakuib wanpa na, hipunin uhuqkunu nuka bedu Kayak metom. <sup>27</sup> Amu danab oh ag haen laipuib mauhona, dimpa ag hetodiakpa daaglag, <sup>28</sup> amubia Kristus Nug nuka haen laipu aakuib, Nug bedu mana metak bia Kayak metowa, Nug danab kuđum dilag hipunin uhuqa madakunu heum. Nug anam

heum amu dimpa Nug baula edua udiku amge hipunin uhuqkunu iita. Nug danab ameg mena daateb ele amu edua diikunu udiku.

## 10

<sup>1</sup> Aria do nug am keeke ena, genab buti adi bekü ele, amu dotogib aakü dayeye anidtem amge keeke ohnu dotog elelenab ii daate. Amu do nug mana metak idu idu anamib mad ohpa haknu ate amunu do nug danab ag gunnab abenpa nokulagnu elele daaglagnu bapaladkunu elele iita. Do nug heeb, ag tutukü elelenab ii bemana. <sup>2</sup> Amu do nug heeb, danab ah ag ena bekulagnu elele daalo amu ag mana metak baubau ii helob. Adinu? Danab ag metid heteb ele amu ag mana metak haen laipupaib opia awak bepig doolob, ag hipuninnu bedulagpa ab ele ii doolob, ag mana metak udat baula ii helob. <sup>3</sup> Amge iita. Mad ohpa mana metak amu he, ag hipunin ahilag daulagpa dote. <sup>4</sup> Adinu? Bulmakau, meme ele amu ag tiilag nug hipunin uhuqkunu elele iitanab. <sup>5</sup> Amunu haen Kristus Nug wanpa udia, Nug Kayak amegpa aum. “Ag dod aqan main na metaglagnu amu na oot ii daate amge keeke amu ag abenlag aokunu amu na da bedul imu bapaidna medame. <sup>6</sup> Ag dod kudum ahilag hipunin uhuqaknu qadabpa maiceb amge ag dod amu main na medateb amu na amunu ele oot ii hete. <sup>7</sup> Amunu da ami. ‘Kayak, da ina daatem. Anuka dahilnu nahip naipa yaapig bia amu gemu da nahip dab mak dim lamidkulnu udimi,’ ” awa aum. <sup>8</sup> Aria tatam Jesus Nug mana metak ag heteb ele amunu inam aum. “Ag dod aqan, main metaglagnu amu na oot ii daate. Ag dod

kudum hipunin ahilag uhuqaknu qadabpa main na met<sup>g</sup>lagagnu amu na amunu ele oot ii h<sup>e</sup>t<sup>e</sup>.” Ag amu d<sup>o</sup> ate amubia h<sup>e</sup>t<sup>e</sup>b amge Kristus Nug Kayak amunu oo ii h<sup>e</sup>t<sup>e</sup> awa aum. <sup>9</sup> Nug laa ele aum. “Kayak da ina daat<sup>em</sup>. Da nahip dab mak dim lamidkulnu udimi.” awa aum. Amunu Kayak Nug kobil gehanu amu heeb, gagatagnab daak<sup>u</sup>n<sup>u</sup>, Nug kobil tatam dayom amu he, iita meum. <sup>10</sup> Jesus Kristus Nug Kayaknu dab mak dim lamita, haen laipu aakuib Nug nu<sup>ka</sup> Nug bedu mana met<sup>g</sup>ak bia Kayak met<sup>o</sup>m. Amupa Nug he, ig opia awak danab bemut daat<sup>em</sup>.

<sup>11</sup> Aria mana met<sup>g</sup>ak danab oh ag ded ohpa udat ahilagpa hipaidteb. Ag mana met<sup>g</sup>ak idu idu amuib haen oh h<sup>e</sup>t<sup>e</sup>b amge mana met<sup>g</sup>ak anam am hipunin uhuqaknu elele iitanab. <sup>12</sup> Amge Kristus Nug am haen laipu aakuib hipunin uhuqaknu mana met<sup>g</sup>ak hanhannu aaku heum. Nug anam ha, gemu amu Nug Kayak Onig Ele epeg nadiappa, amuam anuqak aben, amupa hedep neum daate. <sup>13</sup> Amu Kayak Nug keked nuhikud Nug waapa maadkunu haen amu ameg meum daate. <sup>14</sup> Nug mauhak laipupa mana met<sup>g</sup>ak heum amupa Nug he, danab ag Kayak he ag opia awak danab daateb ele amu, Nug he, ag tutuk<sup>u</sup> elelenab daateb. Amu hanhan ele anamib daaglag. <sup>15</sup> Kayak Oudi Nug ele Jesus Nug keeke oh ihinig hipunin uhuqa megakunu ha malom ipuni<sup>ka</sup>, nai adit mekom. Laa am nug inam ipunigte. <sup>16</sup> “Kayak Nug aum. ‘Haen amupa da ag ele nug tituanta nai qakagnig. Da ag oolagpa ahilag dab makpa ele d<sup>o</sup> dahil mekul.’ <sup>17</sup> Aria nai laa am, ‘Ag hipunin adi adi hepig ele

amu ag nob aomnanu da uhuqen madakul,’ ” awa aum. <sup>18</sup> Kayak Nug danab laanu hipunin uhuqa metə malom dayeb amu danab amu nug hipunin amu uhuqkunu mana metək baula hekunu ii dab mema, aaku malak.

*KRISTEN AG KAYAK GUMIDNA WANA  
GAGATAG DAYEG*

<sup>19</sup> Amunu o lailad, ig Jesus tiigpa mana metək lag oo gunnabpa gokunignu ib babaitak daate. <sup>20</sup> Jesus Nug ib bau, ib amupa ig bauklel aoṭem ele amu, buua mekom. Anuka danab ag aben gunnabpa gokulagnu am ib kel doak dayom. Lamen nađi laa aihak dayom ele amu, nug ib amu kel doum amge Jesus Nug mauhak nuhigpa lamen nađi amu patida, ib babaita meke, ig Kayak topa gokunignu elele. <sup>21</sup> Laa ele amu ig am mana metək danab dilag iki ele, Nug Kayaknu danab ehanatata atog noadte. <sup>22</sup> Aria, ig ib ele, mana metək iki ele amunu ig Kayak gumidta gotu! Ao, ig oonigpa ham bupuak laa iitä ele daatta, ig oonigpa genab dootta, Nug he ig beduningpa ab iitä dootta, Nug ig beduning le opia awakpa babaita male oitta, ig Nug gumiňa watu! <sup>23</sup> Amu Kayak Nug keeke hekunu nai qaka aum amu genab meu beku amunu ig oopa genab doyak ihinig miag atitta, keeke ena meu okunu ameg meṭem ele amu, ig adat auta aotu! <sup>24</sup> Amu ig lainkad dilag, ag danab laa dilagnu oolag mauhkenu amu kobol ena ele hekulagnu mad atagnignu amu, ig amu ele dab metu! <sup>25</sup> Amu ig laala ag heteb amubia ig Kristen lainkad ele qag mak laipu haknu kobol ii uumta. Iitä. Ig qag metata, lainkad oolag gagatag aqatu! Ig Kristusnu

ded miag doum daaṭe anidṭem amunu ig udat amu tudit huana hetu!

<sup>26</sup> Amu ig dootta, hipunin baubau hetem dayeb amu ig hetata, ihinig hipunin uhuqaknu mana metak laa ii anidmata. <sup>27</sup> Anam dayeb amu ig Kayaknu heṭodiak okai amu ab gakaḍaknab, Kayaknu keked oh ewadku ele, amuib bađidta ameg mekunig. <sup>28</sup> Ig dootem, danab laa nug Mosesnu do tipale, danab adit laa o danab ewam laa ag anidna, nug ehed heum amunu heeg, miag atie amu ag nuhignu oolag gai iita ii doopig. Iita! Nug aaku qepeg mauhkuuib dayom. <sup>29</sup> Aria anuka danab nug do tipalom amu ag nug qepeg mauhkuunu dayom amunu gemu amu danab laa nug Kayak Beka di medte ele amu, nuhignu amu atemnab? Danab amu nug geha qagaetak nadinab anidkunu elele. Adinu? Nug Kristusnu, Nug am keke hamu doya, Nug tiig ele, amupa Kayak nug ele nug tituanpid, amupa danab amu nug opia awak beum amge danab amu nug tiig amunu keke hamu bia doyom. Laa ele amu nug Kayak Oudi, Nug hanhan ehaniṭak okai hamu megte ele amu, nuhigpa ele kobol ehdēnab heum. <sup>30</sup> Amunu danab ag kobol ehdē amu heteb ele amu, ag epediak genab aoglag amu ig dootem. Adinu? Kayak Nug nuka Nug aum. “Ehed hak kobolnu edua nob maknu udat am dahil. Danab ag ehdē heteb ele amu, da ag nob madakul.” awa aum. Nug laa ele aum. “Nađi Nug nuka geha nuhikud danab epediadku,” awa aum. <sup>31</sup> Amu danab laa nug hipunin nuhignu, Kayak bauklev ele epegepa epediak aokunu goķunu am keke hamu iita. Keeke amuam keke ug naunab ele.

<sup>32</sup> Aria ag haen Kristus aopig daanna, dimpa ug okai laala ahilagpa beebe doopig ele, haen amu amelagpa doad! Haen amu ag ug kudum maoegeg, laa ag guitak okai ele madapig amge ag gagatag hipaidna daanna maopig. <sup>33</sup> Amu haen laala danab laa ag qag mak nau noolagpa ag guitak maṭon, aon aon aqan, ihaklel aqanna, guitak nadī ele madapig. Haen laala ag kristen ag lailkad ug anam dooglagnu bedulagpa beum amu ag lailkad ehanadna, ug amu ele maopig. <sup>34</sup> Amu ag danab mani guitakpa daapig, amu dilag oolag doyom. Amu haen laala dimitim danab ag udin, ahilkad keeke ena ena adadna diipig amge ag amunu oolag ii nauhom. Iiṭa, ag oolag bodo eṭe, ueeg aopig. Adinu? Ag ahilag keeke ena hanhannu, dimpa aoglagnu apa ana daate doopig. <sup>35</sup> Amunu ag oopa genab doyak gagatag ahilag amu aib maopeg ukom. Adinu? Geha ag keeke amunu nob enanag aoglag. <sup>36</sup> Amu ag oolag mađod ele gagatag hipaidna daanna, Kayak ode dim lamidna amu ag keeke ena, anuķa Nug ag madakunu nai qaka aum amu, geha aoglagnu daate amunu ag gagatag daaglag am ena. <sup>37</sup> Amuam Kayak naipa nai laa daate amubia. Nai am inam. “Haen elab iiṭa, nakoknab laa ele, danab udikunu daate amu Nug udiku. Nug am kagi ele ii hema, pahanab udikunu daate. <sup>38</sup> Tutukū danab dahilad, ag oolagpa genab dooteb ele amunu ag am geha bauklel aon daaglag. Amu laipu laa nug di medaku amu da nuhignu amu da oolpa elelenab ii dookul.” <sup>39</sup> Amge ig am danab ag Jesus di metan padal meteb ele, danab amu oolagpa ii daatem. Iiṭa! Ig am danab ag

nuhignu oolagpa genab doon, bauklel aoṭeb ele amu, ag oolagpa daaṭeb.

## 11

### *OOPA GENAB DOYAK NAI DIIGDIIG*

<sup>1</sup> Danab nug oopa genab doyak ele amu nug adi keeke aokunu ameg mete amu nug genabnab genab aokunuib dab mete, nug ii aomanu nakok laa ii dab mete. Amu ele nug keeke amegpa ii anidte ele amu, nug anamib genab anidkunu dab mete. <sup>2</sup> Amu danab anūkanu, ag am oolagpa genab doopig amunu Kayak Nug ahilagnu oo ena doyaya, ahilagnu ena aum.

<sup>3</sup> Amu Kayak Nug odep̄a nai aawo, wan, atu, keeke oh ele bepig daateb, ag akanab ii bepig amu, ig amuam oonigpa genab dootem.

<sup>4</sup> Abel nug Kayaknu oopa genab doyom amunu nug mana metak, Kain editak, mana metak enanag heum amu Kayak nuhig mana metaknu amu enanag anta nuhignu, “Danab tutuk,” awa aum. Abel nug am anuka mauhom amge nuhig oopa genab doyak amu ig adi hekunignu gemu ele ig ipuni ka auta aoṭe.

<sup>5</sup> Amu Inok nug ele am Kayaknu oopa genab doyom amunu nug am ii mauhom. Iiṭa, Nug bau dayaya, Kayak topa waum. Kayak Nug nuka awom amunu laa ag nug iinab anidpig. Inok hab atan ii ukom haenpa tatam Kayak Nug nuhignu oo ena dayom amu Nug he, amu miag atiom. <sup>6</sup> Danab laipu laa nug oopa genab ii doote ele amu Kayak Nug nuhignu oo ena dookunu elele iiṭa. Adinu? Danab ag nuhigpa wakulagnu amu ag, “Kayak Nug

daaṭe amu danab ag Nug maṭin oīṭeb ele amu, Nug ag nob ena madaku,” oolagpa genab dooglagnab. Ib laa iīṭa.

<sup>7</sup> Noa nug Kayaknu oopa genab doyom, nuhignu ele enanag doya, oo ele oṭaiom amunu Kayak Nug dimpa kobol bekunu a amu Nug ođe doyom. Noa nug Kayak nainu oopa genab doyom amunu nug baekudpa ele oh ag bau daaglagnu nug aaku ub itom. Oopa genab doyak nuhig amupa amu nug danab laa oh, ag oolagpa genab ii doopig ele amu, ag eheđ hepig aaku ipuanaṭa, amupa ele nug am danab tutuku beum.

<sup>8</sup> Abraham nug ele Kayaknu oopa genab doyom amunu nug Kayak ođe dim lamiṭa, Kayak Nug wan atu laa medaku aum amupa ukom. Amu nug apag diignab uua aha, ab aṭenpanab uka daakunu am nug oo ii maiṭete ukom. <sup>9</sup> Amu nug Kayaknu oopa genab doya uka, wan Kayak medakunu nai qaka aum amu atu amupa danab laa atu laihnu udia daaṭe bia dayom. Amu nug dod gaḍapa lag ha amupaib daaṭom. Aria nug beka Isak amu nug alag Jakop ele, a nug budub amu, Kayak Abraham amegpa keeke medakunu nai qaka aum ele amu, a nai amu ele aopid. Amu a ele wan amupa dod gaḍapa lag anen anen hey, amupaib wan amupa daadṭapid. <sup>10</sup> Abraham nug ab okai laa, Kayak dab ma heum, ab amuam hanhan daaku ele amu, ab amupa daakunu ameg ma dayom amunu nug wan amupa dod gaḍapa lag hak amupa daakunu ug ii doyom.

<sup>11</sup> Sara nug am ah maṭoi, nug kainonab ele meum amge Kayak Nug nug nid menukunu nai

qaka a, Sara nug Kayaknu oopa genab doyom amunu Kayak he, Sara nug nid menukunu elele dayom <sup>12</sup> amunu danab laipu amu nuhigpa danab apatna, wan atu oh am bepig daateb. Nug am mauhom bia dayom amge nug budub ag gemu eb qaknu elele iita daateb. Amu hodopai atanu bia amu yu ihipa abud bia wan atu oh am bena daateb.

<sup>13</sup> Danab amu oh ag ahilag oopa genab doyak amuib adan mauhpig. Ag Kayak keeke madaqunu nai qaka aum, nai amuib aopig daanna mauhpig, keeke amu ii aopig amge buti adi keeke amuam bekunu genab anidpig. Ag am doopig, wan imu am ag apalag diignab iita, ag am laihnu hamu udin daateb bia daapig. <sup>14</sup> Danab ag aka ahilagnu anam dooteb ele amu, ag amupa miag atiak ipunigteb. Ag apalag diignab anidkulagnu neegna daateb. <sup>15</sup> Ag wan imupan apalag tatamnu uun Kanan wanpa udipig ele, amun ii dab mepig. Ag anam dab melob amu ag edun gokulagnu elele daalob <sup>16</sup> amge anam am iita. Ag apalag ena dimpanu, hab atan amunuib dab mepig amunu Kayak Nug, “Da ahilag Kayak,” akunu amu uda ii nete. Iita, Nug ab enanag, ag daaglagnu babaitom daate.

<sup>17-19</sup> Abraham nug Kayaknu oopa genab doyom amunu haen Kayak Nug Abraham diig dookunu ug metom, haen amupa Abraham nug beka mana, Kayak medakunu keeke oh babaita dayom. Day-eye, Kayak he, nug beka ii qeum amge Kayak Nug Abraham amu oh helo bia doyom. Tatam Kayak Nug Abraham amegpa Isaknu inam aum. “Isak budub aaquib ag na budunadnab daaglag,” awa aum. Yo, Kayak anam a, Abraham nuhig nai amu

awom amge dimpa nug Kayak ode dim lamidkunu, Isak mana, Kayak medaƙunu keeke oh babaiṭom. Adinu? Abraham nug anam heƙunu haaha, nug Kayaknu inam dab meum. “Da bekal mauha, edua hipaidkunu amu Kayak Nug amu heƙunu elele.” Nug anam dab ma, keeke oh Isak mana, Kayak medaƙunu babaiṭa mala dayom amunu ig inam akunignu elele. “Abraham nug beka mauhak abenpanu edua awom,” aot akunig.

<sup>20</sup> Isak nug Kayaknu oopa genab doyom amunu dimpa ahilahpa adi keeke beƙunu amu nug Jakop Esau ele itiṭak matom.

<sup>21</sup> Jakop nug Kayaknu oopa genab doyom amunu nug mauhƙunu haen miag dayeye, nug Josep bekod adit itiṭak matom. Nug amu dud qaknu hoƙat nuhig iki ade ehaniṭe dayaya, Kayak binag meum.

<sup>22</sup> Josep nug Kayaknu oopa genab doyom amunu haen nug mauhƙunu haaha amu nug Israel ag dimpa Igupta uun, ahan gokulagnu anana amu, nug bedu atem boomkulagnu ele aum.

<sup>23</sup> Moses anig mameg ele a ele Kayaknu oolahpa genab doopid amunu anig nug Moses menue, nid enanag anidya, kalam ewam lokumeh niiṭom. A Paronu oolah ii badede hepid.

<sup>24</sup> Moses nug Kayaknu oopa genab doyom amunu haen nug okai ma dayom ele amu, nug ag, “Nug am Paro adeg beka,” akulagnu oo ii dayom.

<sup>25</sup> Iiṭa, nug amu uua, amu Kayaknu danab ah ele ag oh ug laipu maoglagnu oo dayom. Nug hipunin kobol dim lamiṭa oyiyaya, oo gamag ahak haen tutunuib aoƙunu amu nug oo ii niiom. <sup>26</sup> Nug nob ena, buti adi Kayak medaku amunuib dab

meum amunu nug Kristus onigpa uda nak aokunu ena doya, Igipta dilag enubnu amu, nug keeke hamu doyom. <sup>27</sup> Moses nug Kayaknu oopa genab doyom amunu nug Igipta wan uua, aha ukom. Nug Paronu opodi bak amunu oo ii badom. Amu danab ag Kayak amelagpa anidkulagnu elele iita amge Moses nug antom bia dayaya, nug gagatag dayom. <sup>28</sup> Moses nug Kayaknu oopa genab doyom amunu nug Igipta uua ii ukak haenpa nug Israel ag anam hekulagnu aum amunu Nug Israel ele ag Pasowa metid hobul hena, ag sipsip tiilag laulkad od ugupa taud qedapig. Ag dod tiilagpa anam hepeg, nid tatamnu menuatak aqaknu engel amu nug ag gukuata ii wamanu heum.

<sup>29</sup> Israel danab ag Kayaknu oolagpa genab doopig amunu ag le kokod wan qada etakpa oitem, amubia matadna laih wapig. Amge Igipta ag anam hekulagnu heegeg, le tonate, ag oh mauhpig.

<sup>30</sup> Israel ag Kayaknu oolagpa genab doopig amunu ag Jeriko ab taliliak men adnadi haen eblaih adit ele talilidna oiyegeg, men adnadi pana, na qeum.

<sup>31</sup> Rahab, nug am ib baag ah, nug Kayak adi hekunu aum doya amu nug Kayaknu oopa genab doyom amunu do danab adit laa, ab italaknu udipid ele amu, nug ahilahnu madod doya, a ehanatom amunu nug padal mak ehed hak danab ag aopig ele amu, nug amupa padal ii meum.

<sup>32</sup> Amu oh ag anam hepig amunu gemu am da adi nai laa tudite madikul. Amu da Gidionnu kaya, Bereknu kaya, Samsonnu kaya, Jeptanu kaya, Dawitnu kaya, Samuelnu kaya amu propet dilag kaya ele madikulnu elele amge haen iita.

<sup>33</sup> Danab amu ag Kayaknu oolagpa genab doopig amunu ag ban edidna, wan imupan gumak danab daanna, kobol nau kuđum tapalađeg nopig. Ag am Kayak keeke madaķunu nai qaka aum amu aopig. Amu ag laion odelag qamutpig. <sup>34</sup> Amu ag heeg, ab nau qauhom. Ag am qep aeg hawad ele aqamanu dekadpig. Ag gai iita daapig amge dimpa ag gagađag aopig. Ag ban danab gagađag bena amu ag ab laalapanu ban daup lamateg gopig. <sup>35</sup> Aria danab ag oolagpa genab doopig ele amu ag heeg, danab laala mauhpig ele amu, ag edun, hipaidna, ag waalkad ele baula daapig. Amu laa ag oolagpa genab doopig ele amu, ag oolagpa laala ag qagaetakpa daaegeg, keked ahilkad ag ehdnab hadnana, bedulag heeg nauha auta awom amge ag Kayak di medapeg, keked uuadpeg gođulagnu dab ii mepig, keked odelag ele ii dim lamidpig. Ag am mauhna, dimpa edun hipaidna, baukel aoglag amunuib dab mepig. <sup>36</sup> Oopa genab doyak danab laala amu keked ahilkad ag kalemllem aqanna, laala ag bu aqanna amu laala mudi gagađagpa hipaladna, mani gujtakpa ele maatęg daapig. <sup>37</sup> Oopa genab doyak danab laala amu ahilkad keked ag menpa makudateg mauhpig. Laala amu ag hahpa bedulag otadateg ne, mauhpig. Laala amu qep aeg hawad elepa aqaeg mauhpig. Keked ag oopa genab doyak danab amu ehd hateg, ag lamen ena iita takan, ag keekenu ele dadek daapig. <sup>38</sup> Ag laala ag matatun gona, atu tadakpa, danab apa iita elepa oiyegeg, laala ag gona, qaukopa oiyegeg, laala ag men odepę ele daapig. Wan imupan danab nau ag am oopa

genab doyak danab amu ele elele iiṭanab.

<sup>39</sup> Oopa genab doyak danab amu ag Kayaknu oolagpa genab doon, ag Kayak noobpa onig ena aopig amge ag aka Kayak keeke ena madačunu aum am ag haen amupanab ii aopig. <sup>40</sup> Adinu? Kayak Nug ag haen Nug tituanom ele amu haen amu ameg mebepeg, Jesus udieb, geha ag ig ele oh elelenab megačunu dab meum.

## 12

### *JESUS DIM LAMITAKNU NAI*

<sup>1</sup> Aria ihinignu amu ig anučanu danab kuđumnab ag ig oopa genab doyak kobol ipuničeg anidtem amunu ig oopa genab doyak ipu tutuku dim lamidtu! Ig dānab laa ag nug edid edid qai etan goteb ele amu, ag keeke oh bedulag ug medate ele, ag amu budieg uke, qai etan goteb amubia ig adi keeke, ig amu adat oopa genab doyaknu ipu tutuku ii dim lamidkunig amu ig keeke amu budiput ukeb, ig adi hipunin, nug ig bedunigpa ta adaikom daate ele amu, ig amu ele qeput, na ukeb, ig Kayak Nug ipunig mekom amu amupa bahi yak ele iiṭapa qai etat gotu! <sup>2</sup> Amu ig amenig ukeb, Jesus, Nug am oopa genab doyaknu diig daate, Nug oopa genab doyak ihinig elelenab medaču diig ele amu, ig Nug anidtu! Jesus Nug anuča oo gamag ahak geha dimpa anidčunu dab meum amunu Nug gagačag dayaya, ad emaitakpa ug doyaya, gučak awa mauhom. Ad emaitakpa mauhaknu amu udanak ele amge Nug dimpa oo gamag ahak okai aokunu dab maama, udanak amunu dab ii meum, am keeke hamu bia doyom. Gemu amu Nug

hab aṭan, Kayak epeg nadiappa, amuam anuqak aben, amupa daaṭe. <sup>3</sup> Ag Jesus adi ipunigṭe am anteg! Hipunin danab anuka ag Jesus keked okai medapig amge Nug gagatagnab dayom. Ag gemu oolagpa genab dooṭeb amu ag keeke amu dab mena, ag ele aib bahilag yom amu ag ebehilag ele aib bodo etom.

<sup>4</sup> Ag am hipunin qepeg nekuṇu ban hepig amge ban amupa ag tiilag ii neum. <sup>5</sup> Ag oolag gagatag qedaḳunu Kayak Nug nai laa aum amu ag nai amu ag daulag atiomtai? Nug nai amupa ahilagnu amu Nug bekod doyaya aum. Nai amuam inam. “O Nid dahil, Nadi Nug na ena bekutnu toliṭa, bu niṭeb amu na amunu keeke hamu bia aib doome. Nug na ena bekutnu daut bateb amu na oot aib nauhom. <sup>6</sup> Adinu? Nadi Nug danab laanu oo mauhṭe amu Nug danab amu ena daaḳunu toliṭa, bu qete. Nug danab laa awa, nuhignu, “Nid dahil,” ate ele amu, Nug danab amu ena bekunu guitak nakok medte.”

<sup>7</sup> Nai anam daaṭe amunu Kayak ag ena bekulagnu ug madate amu ag anen anen haen amupa, “Kayak ehanidṭe,” doona, gagatag dayeg! Kayak Nug ahilagnu, Nug bekodnab doyaṭa atog noadṭe. Danab aun laa nug nid nuhig, nug ena bekunu, ii toliṭa, bu ele ii qete? Laa iiṭa. <sup>8</sup> Danab ag nid ahilkad ena bekulagnu toliadna, bu aqateb amunu Kayak Nug ag oolagpa genab dooṭeb ele ag ii toliata, bu ele ii aqate ele dayeb amu ag Nug bekodnab iiṭa, ag am ib imuagnu nid bia daaṭeb. <sup>9</sup> Amu ag imu ele anteg! Ig mamenkad wan imupanu amu ag ig ena bekunignu toligna, bu iqaeg, ig ag binalag metem. Anam amunu ig Mamenig hab aṭan daaṭe ele amu, ig Nug

waapanab daatu! Ig anam daatta, baukkel aognig.  
**10** Ig mamenkad, wan imupanu amu, ag ig ena bekunignu amu haen tutuib, ag oolag anam daate ele, amu dim lamidna toligna, bu iqapig amge Kayak Nug ig ehanigkunu, Nug opia awak daate, ig ele amubia daagnignu tolika, bu iqate. **11** Danab nug ena bekunu tolita, bu qak aote ele amu haen nug aote amu danab amu nug oo gamag ii ahate. Iita. Nug oopa guitak doote amge Kayak Nug danab amu nug ena bekunu udat amu ha male amu danab aun nug tolita, bu qak amu pehetak aote ele amu, nug tutuku oiyaya, madod ele daate.

**12** Amunu ag Kayaknu tolita bu qak aoglag amu ag oolag aib nauhom. Iita. Ag danab nug epegte iita nug gategte gai iita meum, gagatag qedte amubia ag aka gagatag aqeg! **13** Amu ag oolagpa laa ag baelag nau ele amu ag nauhna autna aomnanu, ag edun ena daaglagnu, ag ib tapan goteb ele amu, ag bapaidna autna aweg!

### *DAB METAKNU NAI*

**14** Amu ag danab laala ele ag oh madod ele daanna oglagnu udat gagatag henana, ag opia awak kobilpa daaglagnu ele wagai meig! Adinu? Danab laa nug opia awak iita ele amu nug Nadi anidkunu elele iita. **15** Danab laa nug Kayaknu ehanitak okai hamu megte ele amu di meta na qemanu dab meig! Ag oolagpa danab laa nug ad laa tiig mua ele, danab lanana mauhteb ele, amubia dayaya, nug heeb, ag Kayak amegpa dubutid ele daamnanu ele dab mena autna aweg! **16** Danab laa nug gapai kobil dim lamidmanu amu laa nug Esau, nug Kayaknu ii dab maama oitom, nug

nid danab menuak tatamnu ititak amunu hamu doya, Jakop nug e nakoknab, geha iikunuib meteb, nug ititak amu Jakop medakunu a mete laum ele amu, laa nug Esau bia oimanu ele dab meig! **17** Adinu? Ag dooteb dimpa Esau nug Isak epepga ititak aokunu heum amge nug elele iita dayom. Esau nug ititak aokunu gayak huana heum amge nug ib nakoknab laa ii antom.

### *TITUANAK ADIT DILAH NAI*

**18** Israel ag anuka Sinai qauko, qauko amuam danab nug ada dookunu elele, qauko amupa ab nadi ewa ditieye amu ag qauko amu gumidna wapig. Ag qauko amupa gatatu tepu ele dayeye wapig. Ag qauko amupa ulah nadinab udieye wapig. **19** Ag qauko amupa biugalbaag okai gayeye doonna wapig. Ag qauko amupa Kayak baag doon, ag badana Moses amegpa inam apig. “Ig baula baag amu doyak uumut,” aon apig. **20** Haen amupa ag Kayak nai matom amunu badan autna aopig. Nug nai inam aum. “Danab laa nug epeg bahia qauko imu adeb amu ag menpa makudpeg mauhad! Dod ag ele qauko imu laudidpeg amu aqapeg mauheg!” awa aum. **21** Yo, Israel danab ag keeke amu anidna, oolag huana badom. Amu Moses nug ele aum. “Da baden hahadtem,” awa aum. Israel ag keeke amu oh gumidna wapig.

**22** Amge ag gemu daateb, ag am oolagpa genab dooteb ele amu, ag keeke anampa ii wapig. Iita! Ag amu Sion qaukopa tepig. Ag am Kayak apagpa, Jerusalem hab atannu, Kayak bauklelnu apagpa tepig. Ag amu engel tausen tausen qag mena, oo gamag ahak okai henan daateb ele, amupa tepig.

<sup>23</sup> Amu ag Kayak bekod tatamnu, Kayak Nug ag onilag matu awom daate, ag amu dilag qag mak nadi amupa wapig. Ag Kayak, Nug am danab oh epediadte ele amu, Nug gukuidna wapig. Amu ag danab anukanu, Kayak Nug ahilagnu, “Danab tutuku,” aum, ag mauhadna hab atan tutuku eellenab daateb ele amu, ag gemu daateb, ag oolagpa genab dooteb ele amu, ag amu gumadna, ahilagpa tepig. <sup>24</sup> Amu ag Jesus, Nug am gamag danab, Nug tituanak bau heum daate ele amu, ag nuhigpa wapig. Kain Abel qe mauhom, haen amupa Abel tiig neum amunu nob mak dayom amge Jesus ehanigkunu he, Nug tiig neum amu ag amupa wapig.

<sup>25</sup> Amunu ag dab meig! Ag aib daulag itun, Kayak nai madiete amu nai nuhig qepeq neum. Anuka wan imupa, Sinai apa, Kayak Nug nai gagatag danab amelagpa aum amge ag nuhig nai tapaeg neum. Ag tapaeg neum amunu ag ahilag hipuninnu nob qe edidna gokulagnu elele iita daapig. Gemu Kayak Nug hab atan dayaya, nai gagatag ig megte amunu ig Nug di metata amu ig oolta hipunin ihinignu nob qe edidkunignu elelete? Iitanab! <sup>26</sup> Anuka Kayak Nug odepia nai aawo, wan udalom amge geha Nug nai qaka inam aum daate. “Da geha baula wan hepi udalku amge wanib iita, hab ele oh udalkulah,” awa aum. <sup>27</sup> Amu, “baula,” nai amu inam ipunigte. Kayak Nug anuka keeke hatom ele amu, keeke amu oh geha udalkulag. Keeke oh diignab iita ele daate amu, udalak amu heeb, iita meku, baula ii daamna. Keeke laa, diignab ele amu, keeke amu aakuib geha daaku.

<sup>28</sup> Keeke diignab ele aakuib daaku amu ig amupa

daagnignu daaṭem amunu ig oonig gamag ahebeb, ig amunu Kayak amegpa, “Ena hen mekame,” aot atu! Amu ig Nug binag metata, udat, kobol ele, Nug amunu oo daaṭe amu, ig dim lamidta hetu! Ig Nug binag metata, nuhignu enanag doota, oonig ele otaiad! <sup>29</sup> Adinu? Ihinig Kayak Nug am genab, ab adu nadinab bia.

## 13

### *KAYAK OO NIITE DIM LAMITAKNU NAI*

<sup>1</sup> Ag Kayak baekudpa daaṭeb ele amu, ag lailkad dilagnu nug oo mauhak aib uupig. <sup>2</sup> Ag do danab diin atog noadkulagnu ele aib daulag atiom. Anuka laa anam hena, Kayaknu engel diin atog noadpig amge ag am engel amu, ag oolag tutuku ii maitete atog noadpig. <sup>3</sup> Lailkad laa mani guitāk oopa daaṭeb ele amu, ag amu dilag dab menan dayeg! Ag ahilagnu dab mena, ag ele danab mani guitākpa daaṭeb bia doona dayeg! Laa oolag ug ele dooṭeb amubiaib ag ele oolag ug ele bia doon dab maṭanna dayeg!

<sup>4</sup> Ewau dayaknu amu ag oh ena doyeg! Ewau a hanhan ewau genab daaglahnu ele ena anteg! Kayak Nug geha laa gapai aoteb ele amu epediadku. <sup>5</sup> Ag oolag men dodonu aib mauhom. Amu ag keeke daaṭeb ele amu, ag amupa elele doyeg! Adinu? Kayak Nug aum aaku daaṭe. “Da ag ii uuadpa, da ag ii di madapa,” awa aum. <sup>6</sup> Diig amunu ig oonigpa badak iita ele akenig. “Nađi Nug dahil ehaniṭak daaṭe, da ii badapa, danab laa nug adi dahilpa laa heku? Iita.”

<sup>7</sup> Toliak danab tatam tatam ag Kayak nai matiegeg, ag doopig amu daulagpa dayebeb, ag dab mepeg ukeb, ag atem daanna oinna, udat henana mauhadpig amu amelagpa doobob, ag ele amubia doon, oolagpa genab doyeg! <sup>8</sup> Amu Jesus Kristus Nug atem daate amu, Nug tumai, gemu, hanhan ele anamib daate.

<sup>9</sup> Ipunitak kobil laa hanhan ahilagpa ii daate ele amu, ag anidna aib dim lamidpig. Adinu? Ig Kayaknu ehaniṭak okai hamu megte amupa, Nug dim lamidkunignu gagaṭag aognig am ena. Ig enu do kudum dim lamidta, gagaṭag amu aognignu hekunig am ena iita. Danab laala ag anam henan oipig amge ii ehanatom. <sup>10</sup> Aria ig kristen ele, ig am qadab laa, amuam Jesusnu ad emaitak, am mana metak danab ag dod gada laka apa udat heteb ele amu, ag apa henana, ag ihinig qadabpa ehaniṭak aoglagnu elele iita.

<sup>11</sup> Juda dilag mana metak danab dilag iki nug sipsip amu bulmakau ele tiilag awa, Kayak Nug danab ah dilag hipunin uhuqa madakunu lag oo gunnab amupa mana metak hete amge dod amu meulag amu ab dimiṭim manateg eote. <sup>12</sup> Amunu amubia Jesus Nug ele am ab okainu ad od dimiṭim, Nug danab dilag hipunin Nug tiigpa uhuqa mateb, opia awak daaglagnu, ug mawa mauhom. <sup>13</sup> Amunu ig ele ad dimiṭim nuhigpagota, Nug udanak, ug ele awom bia aotu! <sup>14</sup> Ig dootem, wan imupa ab okai haen elab hanhan daakunu, ig apa daagnignu, laa ii daate. Amge ig am ab okai buti adi beku ele amunuib ameg metata daatem.

<sup>15</sup> Danab laa ag Kayak binag mekulagnu amu ag

dod keeke main, Nug medaṭeb amubia ig Jesus udat nadi ihinignu heum, amupa Kayak binag metu! Ig amu hekunignu amu ig odenigpa Kayak Nug am ihinig Nadi akunig. <sup>16</sup> Amu ag lailkad dilagpa ena henana, ag lailkad keekenu tutu mak ele amu, ag nug ehanitak kobol ele hekulagnu aib daulag atiom. Adinu? Kayak Nug amunu mana metak bia doya, oo enanag daate.

<sup>17</sup> Ag tamaniak oopa daateb ele amu, ag ahilkad toliak waalagpa daanna, ahilag nai ele dim lamidkulag. Toliak ag ehanadkulagnu hena, hanhan ag atog noadnana udat heteb amu, toliak ag amunu geha Kayak amegpa mehuqkulag amunu toliak ag ug doomnanu, ag oolag gamag ahakunu amu ag laa ag ag waalagpa daanna, ahilag nai dim lamiteg! Tamaniak danab ah ag ug doonna, toliak dilag nai dim lamidkulag dayeb amu ag kobol amupa ehanitak ena ii aomna.

<sup>18</sup> Ig oonig am Kayak amegpa tutukuib daate amu oonigpa genab dootem, ig haen oh tutukuib oignignu oonig daate amunu ag Kayak ig ehanigkunu unuqiteg! <sup>19</sup> Dahilnu ele amu ag Kayak da ehanideb, da edue paha ahilagpa gokulnu Nug unuqidkulagnu ag unuqadtem.

### *UNUQITAK LAA*

<sup>20-21</sup> Aria Kayak, Nug am madod diig daate amu, Nug he, ihinig Nadi Jesus Nug mauhak oolagpanu edua hibaitom. Jesus tiig ne mauhom, amupa Nug, nug tituana nai qaṭak bau hanhannu gagatag qetom ele amu, Kayak Nug Jesus tiig amupa heeb, keeke ena oh ag nuhig dab mak dim lamidkulagnu elele daaglagnu ahilagpa dayeb, Nug ihinigpa adi

hekunu oo daaṭe amu hekunu ool daaṭe. Jesus Nug am ihinig gumak danab anuqak okai daaṭe. Ig hanhan Nug binag metu! Genab!

### *BAG QAK NAI*

<sup>22</sup> O lailad, uđug imu tutuib yaami amunu ag daulag human, oolag gagaṭag qedaƙunu nai gagaṭag yaami imu, ag dooglagnu od madaṭem.

<sup>23</sup> Amu ele ag dooglag, ig lainig Timotius amu ag nug mani guitaƙpanu uhuqeg doum daaṭe. Nug ipa haen elelepa uđieb amu i oh geha ag gumadda goƙunih. <sup>24</sup> Amu ag ihinig humiṭak nai ahilkad toliak oh maṭanna amu Kayaknu danab ah oh ele maṭeg! Amu Kayak baekudpan danab Italinu amu ag humiṭak nai ahilagpa meeg goṭe.

<sup>25</sup> Kayaknu ehanitak okai hamu megte amu, ag oh ahilagpa dayad!

**KAYAKNU NAI Tituanak Bau  
The New Testament in the Nobonob Language of  
Papua New Guinea  
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ed374bb9-d819-53d1-a85b-f86cce3892e1